



słowo tygodnia

## ŠROFOWAĆ RĚKA

č. 19

- sej při padnjenju kolenje zwobodřć
- konja ze šćětku rjedźić
- so na hłowje drapać

Prawa je wotmołwa **b**.

*Šrofować je wuraz, kotryž počahuje so na skót. Móžeš konje abo tež kruwy šrofować. Za to wužiwaš šrofu, to je wosebita šćětkka za wučesanje kosmow. Z njej jězdźiš konjej po kosminje a wotemrěte kosmy z njeje wučesaš.*

### Takle móžeš tež prajić:

- někoho/něšto šćětkować, někoho/něšto česać, někoho/něšto wučesać

### Připódla prajene:

Za nastroj, z kotrymž konja šrofujemy, eksistuja wjacore wurazy: Nimo šrofy su to česadło, konjaca šćěć, drapač abo šrofa. To njezadźiwa, wšako su naši prapraprjedownicy tež hižo konje měli a je zawěsće tež šrofowali.

### Přikłady z rěčneho korpusa:

Tón dzeń njeměješe ničo jězdźić, ale swojej konjej *šrofować* a česać, wšón konjacy grat a naporjadk wučisceć a wuswětleć a wozydła přehladować a sporjedžeć.

(Albert Wawrik, *Za kerkom wólša*. Budyšin 1982)

Wróćiwši so na dwór daštej Hwězce a Belli so napić, potom wotewzaštej jimaj sedle a wuzdže a jej porjadnje a dokładnje wotrybowaštej a *šrofowaštej*.

(Lubina Hajduk-Veljkovičowa, *Za wšě pady přecelki*. Budyšin 2015)